

DISSERTATIO ACADEMICA,

LINEAM OMNES DATI GENERIS DETERMINATO
SUB ANGULO SECANTEM IN SPATIO TRIUM
DIMENSIONUM INVESTIGANS;

QUAM,

VENIA AMPL. FACULT. PHIL. IN IMPER. ACAD. ABOËNSI,

PUBLICE EXAMINANDAM PROPONUUNT

MAG. NATHAN. GERH. AF SCHULTÉN,
Mathes. & Phys. Adj. Ord.,

ET

CLAËS ALFRED STJERNVALL,
Nylandus.

In Audit. Philosoph. die XXIII Maji MDCCCLXI.

h. a. m. s.

ABOÆ, Typis Frenckellianis.

LIEUTENANTS KAN
VÄLBORNA FRU
FREDRIKA WILHELMINA
STJERNVALL
FÖDD CHARPENTER,

MIN HULDASTE MODER,

Tacksamt och Vördnadsfullt

Tillegnadt.

Claës ALFRED STJERNVALL.



§. I.

In evolvendis solutionibus frequenter obvenientibus quæstionum duarum Mathematicos inter satis celebrium, problematis inquam notissimi *Trajectoriarum*, a primis fere quibus excoli cœpit Mathesis sublimior temporibus agitati, nec non quæstionis *Loxodromiarum*, in arte navigationis præcipuum habentis usum, ejusdem omnino casus generalis non nisi specialem haberí harum utramque applicationem fugere nos non potuit, hæcque igitur duo problemata, quantumvis diversis ex considerationibus vulgo tractata, eodem tamen revera solvenda esse principio universalí haut nobis dubium visum est. Cujus utique ambarum quæstionum inter se nexus cum mentionem nullibi factam deprehenderimus, talis autem problematum particularium ad classes generales reductio sua non carere utilitate videatur, ingratum non fore theoretica-

A

rum

rum hujusmodi disquisitionum amantibus speravimus, si resolutionem quæstionis universalis utramque nuper memoratarum corollarii instar particularis complectentis, paucis proponeremus: quam igitur sequentibus pagellis L. B. offerimus, in rei tamen adeo facilis enodatione ad nullam plane nos adspirare laudem ingenue fatentes.

§. II.

Sint igitur

$$\begin{aligned} u &= o \\ u' &= o \end{aligned} \quad \dots \quad (1)$$

æquationes lineæ generis dati, cui eodem sub angulo occurrere semper ponitur linea quæsita, existentibus igitur u , u' functionibus datis coordinatarum rectangularum x , y , z , nec non constantis cuiusdam p , parametri nomine designandæ, cuius variatione e mutationibus των x , y , z non pendente infinitas prodire patet lineas particulares ejusdem tamen omnes generis datoque sub angulo a quæsita secandas.

Ponantur ulterius

$$\begin{aligned} v &= o \\ v' &= o \end{aligned} \quad \dots \quad (2)$$

æquationes lineæ ipsius quæsitæ coordinatas inter x , y , z , ad memoratum nuperrime systema pertinen-

nentes, nec non constantem quamdam arbitrariam
 k , ex situ pendentem punctū cuiusdam initialis,
quod, determinatum quo fiat problema nostrum,
transire ponenda est ipsa quæsita.

Quod si jam brevitatis ergo fiat

$$\frac{du}{dz} \frac{du'}{dy} - \frac{du}{dy} \frac{du'}{dz} = a.$$

$$\frac{du}{dx} \frac{du'}{az} - \frac{du}{az} \frac{du'}{dx} = b$$

$$\frac{du}{dy} \frac{du'}{dx} - \frac{du}{dx} \frac{du'}{dy} = c$$

$$\frac{dv}{dz} \frac{dv'}{dy} - \frac{dv}{dy} \frac{dv'}{dz} = \alpha$$

$$\frac{dv}{dx} \frac{dv'}{az} - \frac{dv}{az} \frac{dv'}{dx} = \beta$$

$$\frac{dv}{dy} \frac{dv'}{dx} - \frac{dv}{dx} \frac{dv'}{dy} = \gamma,$$

tangentes quidem utriusque lineæ in punctis quo-
rum coordinatæ sunt x, y, z , per æquationes

$$\begin{aligned} a(y' - y) - b(x' - x) &= o_1 \\ a(z' - z) - c(x' - x) &= o_2 \end{aligned} \quad \text{atque}$$

$$\begin{aligned} \alpha(y' - y) - \beta(x' - x) &= o_3 \\ \alpha(z' - z) - \gamma(x' - x) &= o_4 \end{aligned}$$

respective definiri notum est: unde, posito $\theta =$ angulo illi determinato, quem cum quæsita efficere semper ponenda est linea generis dati, prodire manifestum est relationem sequentem

$$\begin{aligned} & (a^2 + b^2 + c^2)(\alpha^2 + \beta^2 + \gamma^2) \cos \theta^2 \\ &= (a\alpha + b\beta + c\gamma)^2 \quad \dots \quad \dots \quad \dots \quad \dots \quad (3). \end{aligned}$$

Ex ipsa jam inde problematis præsentis conditiones quibus satisfacere debent quæsitæ (2) proprius examinando, simplicissimas omnino haberi eas elucebit, summa scilicet earum in eo tantum posita, ut (1), (2), (3) inter se conjunctæ non nisi tres revera diversas constituant æquationes, quantitatum scilicet quinque x, y, z, p, k in iis contentarum duabus indeterminatis semper manentibus: unde sequitur, eliminata ipsa p (1) inter & (3), æquationes ambas resultantes cum (2) conjunctas non nisi duas efficere debere æquationes distinctas inter x, y, z, k , sive, cum (2) quoque atque

$$\left. \begin{array}{l} \alpha dy - \beta dx = 0 \\ \alpha dz - \gamma dx = 0 \end{array} \right\},$$

inter se conjunctæ, duas tantum constituant distinctas, quæsitæ tandem (2) manifesto ejus requiruntur indolis, ut, cum resultatis ex eliminatione ipsius p (1) inter atque

$$\begin{aligned} & (a^2 + b^2 + c^2)(dx^2 + dy^2 + dz^2) \cos \theta^2 \\ &= (adx + bdy + cdz)^2 \end{aligned}$$

pro-

prodeuntibus conjunctæ, duas tantummodo inter se diversas æquationes efficiant, unde, ex ipsa definitione integralium ad æquationes differentiales pertinentium, alterum memoratorum resultatorum, quod differentialibus seilicet exemptum, cum integrali alterius completo, constante per integracionem introducta arbitraria vicibus ipsius k fungente, conjunctum, ipsas quæ determinandæ erant (2) perfecte constituere censendum est.

Ex qua quidem problematis nostri generalis analysi, ad claras rei de qua agitur notiones gigiendas nobis ut videtur non parum conferente, summam igitur ejus solutionis in eo versari patet, ut, eliminata p tres inter æquationes

$$\left. \begin{array}{l} u = 0 \\ u' = 0 \\ (a^2 + b^2 + c^2)(dx^2 + dy^2 + dz^2) \cos \theta^2 \\ = (adx + bdy + cdz)^2 \end{array} \right\} \dots (4),$$

instituatur dein integratio harum ultimæ, introducta simul constante arbitraria k : sicque duas prodire perspicitur æquationes ipsas inter x, y, z & k , quæ quæsitæ sunt lineæ omnes in classe (1) contentas dato sub angulo θ secantis.

§. III.

En igitur generalem quæstionis nostræ enodationem ad illustrandum casum unum alterumve spe-

specialem aliquantulum jam tantum accommodandam: quod tamen antequam adgredimur, nonnullas de solutionis præcedentis pro diversis ipsius θ valoribus indole observationes præmittere alienum non erit.

Quod si igitur primum $\theta = 1^\circ$, fiet $\cos \theta = o$, hincque (4) in

$$\left. \begin{array}{l} u = o \\ u' = o \\ adx + bdy + cdz = o \end{array} \right\} \quad . . . \quad (5)$$

abibunt: quæ simplicissima omnino est forma, allati supra generis calculo ulterius tractanda.

Sin autem $\theta = o$, unde $\cos \theta = 1$, simplicius multo primo intuitu prodire non videtur sistema nostrum (4): attentius vero eo considerato, æquationem tertiam, sub forma

$$(ady - bdx)^2 + (adx - cdx)^2 + (bdz - cdy)^2 = o$$

jam prodeuntem, in sequentes duas sponte dilabipatet

$$\left. \begin{array}{l} ady - bdx = o \\ adx - cdx = o \end{array} \right\},$$

quæ communi hoc in casu gaudere tangente lineam dati generis ipsamque quæsitam evidenter indicant. Hasce igitur ambas cum (1) conjungendo, parametrum-

trumque omnes inter quattuor eliminando, tres inter x , y , z æquationes obtinentur, quæ resolutio-
nem casus præsentis complecti censendæ sunt. Heic
vero difficultas quædam tironem facile perturbare
potest. Integralia scil. completa memoratarum
trium ex eliminatione $\tau\omega p$ resultantium proprius
examinando, ex nota æquationum differentialium
theoria per ipsas datas.

$$\left. \begin{array}{l} u = 0 \\ u' = 0 \end{array} \right\}$$

ea exhiberi facile perspicitur, parametro p con-
stantis arbitrariæ vicibus fungente. Quonam igitur
modo linea quæsita, quæ cum illa generis dati
confundenda non est, hoc in casu eruenda? Re-
sponsum simplex est. Cum allatæ scilicet nuperri-
me tres resultantes casus de quo agitur plenam
contineant enodationem necesse sit, integralia au-
tem earum completa ad eam non ducere perspexe-
rimus, per *solutions* earumdem æquationum *parti-
culares* quærendam eamdem jam esse sequitur,
quod et inde confirmatur, quod, casu hocce peni-
tius considerato, absque difficultate pateat, datis
formis $\tau\omega u$ & u' , per punctum initiale pro arbi-
trio acceptum duci jam minime posse quæsitam,
unde constantem quamdam arbitrariam æquationes
solutionem casus præsentis complectentes contine-
re non posse manifestum fit. Solutione igitur par-

ti-

ticulari quæsita solito modo ex integrali completo dato elicita, veram casus $\theta = o$ enodationem ex eliminatione ipsius p quattuor inter

$$\left. \begin{array}{l} u = o \\ u' = o \\ \frac{du}{dp} = o \\ \frac{du'}{dp} = o \end{array} \right\} \therefore (6),$$

hauriendam esse perspicitur: unde prodire scilicet videmus tres inter x, y, z æquationes nullam involventes constantem arbitrariam, quæ, si du tantum inter se distinctæ habeantur, curvam hoc in casu quæsitatam definient.

Quod si denique neque $= 1^q$, neque $= o$, habetur angulus datus θ , ob duplex hoc in casu in æquatione tertia systematis (4) differentialium signum duabus quoque solutionibus diversis quæstionem de qua agitur obnoxiam esse appareat: quod ex ipsa ejus indole concludi etiam potuerat, cum perspiciatur scil. absque negotio conditionibus problematis nostri in genere satisfacere debere curvam duorum ramorum, sese in puncto quodam sub angulo 2θ secantium.

§. IV.

§. IV.

Ad usum solutionis nostræ generalis, systemate (4) comprehensæ, ostendendum, fiat ex. gr.

$$u' = z,$$

unde patet lineam generis dati in plano xy totam quantam sitam fore, natura ejus ceterum nihil determinata. Habetur jam

$$a = -\frac{du}{dy}, \quad b = \frac{du}{dx}, \quad c = o,$$

unde (4) prodit

$$\left. \begin{aligned} u &= o \\ z &= o \\ \left(\frac{du^2}{dx^2} + \frac{du^2}{dy^2} \right) (dx^2 + dy^2 + dz^2) \cos \theta^2 \\ &= \left(\frac{du}{dx} dy - \frac{du}{dy} dx \right)^2 \end{aligned} \right\},$$

vel simplicius adhuc

$$\left. \begin{aligned} z &= o \\ u &= o \\ \frac{du}{dx} dx + \frac{du}{dy} dy &\pm \left(\frac{du}{dx} dy - \frac{du}{dy} dx \right) \operatorname{Tg} \theta = o \end{aligned} \right\} \dots (7),$$

ubi signum superius vel inferius pro lubitu usurpari potest, prout hic vel ille ramorum quæsitæ considerandus est.

B

Po-

Posito $\theta = 1^q$ vel $\theta = o$, fiet

$$\left. \begin{array}{l} z = o \\ u = o \\ \frac{du}{dx} dy - \frac{du}{dy} dx = o \end{array} \right\} \text{vel} \quad \left. \begin{array}{l} z = o \\ u = o \\ \frac{du}{dx} dx + \frac{du}{dy} dy = o \end{array} \right\};$$

adhibita tamen, ut in §. præc. observatum est, hoc in casu æquationis differentialis *solutione* tantum *particulari*.

Quod si v. gr.

$$u = y^m - px^n,$$

allatum nuper (7) fiet

$$\left. \begin{array}{l} z = o \\ y^m - px^n = o \\ my^{m-1} dy - npx^{n-1} dx \mp (np x^{n-1} dy + my^{m-1} dx) \operatorname{Tg} \theta = o \end{array} \right\};$$

hincque, eliminata, uti supra præscriptum est, ipsa p , æquationes quæsitam definientes habentur

$$\left. \begin{array}{l} z = o \\ nydx - mx dy \pm (mx dx + ny dy) \operatorname{Tg} \theta = o \end{array} \right\},$$

quarum facile inveniuntur integralia

$$\begin{aligned} & z = o \\ & L \cdot k \sqrt{(n-m)xy \pm (mx^2 + ny^2)} \operatorname{Tg} \theta \\ & = \frac{m+n}{\sqrt{4mn \operatorname{Tg} \theta^2 - (n-m)^2}} \operatorname{Arc. Tg} \left(\frac{(n-m)x \pm 2ny \operatorname{Tg} \theta}{x\sqrt{4mn \operatorname{Tg} \theta^2 - (n-m)^2}} \right) \end{aligned}$$

(si)

(si positiva est $4mn \operatorname{Tg} \theta^2 - (n-m)^2$)

$$= \frac{-(m+n)x}{(n-m)x \pm 2ny \operatorname{Tg} \theta}$$

(si $4mn \operatorname{Tg} \theta^2 - (n-m)^2 = 0$)

$$= \frac{m+n}{\sqrt{(n-m)^2 - 4mn \operatorname{Tg} \theta^2}}.$$

$$L. \left(\frac{(n-m)x \pm 2ny \operatorname{Tg} \theta - x\sqrt{(n-m)^2 - 4mn \operatorname{Tg} \theta^2}}{\sqrt{(n-m)xy \pm (mx^2 + ny^2)} \operatorname{Tg} \theta} \right)$$

(si negativa est $4mn \operatorname{Tg} \theta^2 - (n-m)^2$),

designante $L.$ Logarithmos Hyperbolicos, nec non k constantem arbitrariam integratione introductam.

Sit e. g. $m=n$; habebuntur

$$\begin{aligned} z &= 0 \\ \pm \operatorname{Tg} \theta \cdot L \cdot k \sqrt{x^2 + y^2} &= \operatorname{Arc. Tg} \frac{y}{x} \end{aligned} \quad \left. \right\},$$

ad Logarithmicam Spiralem pertinentes.

Allata huc usque priorem quæstionum inclitarum in §. I. memoratarum respicere facile patet:
ad posteriorem quod attinet, fiat tantum

$$u = y - px$$

$$u' = x^2 + y^2 - \varphi z^2,$$

denotante φ functionem arbitrariam.

B 2

Erit

Erit jam

$$a = 2\varphi z \cdot \varphi' z, b = 2p \varphi z \cdot \varphi' z, c = 2(x + py),$$

$$\text{posito brevitatis ergo } \frac{d\varphi z}{dz} = \varphi' z.$$

Hincque (4) in

$$y - px = 0$$

$$x^2 + y^2 - \varphi z^2 = 0$$

$$(4(1+p^2)\varphi z^2 \cdot \varphi' z^2 + 4(x+py)^2)(dx^2 + dy^2 + dz^2) \cos \theta^2 \\ = (2\varphi z \cdot \varphi' z dx + 2p \varphi z \cdot \varphi' z dy + 2(x+py) dz)^2 \quad \left. \right\}$$

abibunt, quas inter instituta eliminatione ipsius p , factisque reductionibus debitis, ad sequentes satis simplices quæsitam hoc in casu definientes perveniemus.

$$x^2 + y^2 - \varphi z^2 = 0$$

$$(dx^2 + dy^2 + dz^2) \cos \theta^2 = dz^2 (1 + \varphi' z^2) \quad \dots (8).$$

Quarum utique posteriore, æquationis ope

$$dx^2 + dy^2 = \frac{(xdy - ydx)^2}{x^2 + y^2} + \frac{(xdx + ydy)^2}{x^2 + y^2}$$

$$= \frac{(xdy - ydx)^2}{x^2 + y^2} + \varphi' z^2 \cdot dz^2,$$

ad formam revocata

$$xdy$$

$$\frac{xdy - ydx}{x^2 + y^2} = \pm \frac{\sqrt{1 - \cos \theta^2}}{\cos \theta} \cdot \frac{dz}{\varphi z} \cdot \sqrt{1 + \varphi' z^2},$$

easdem (8) sub specie tandem finita

$$\begin{aligned} x^2 + y^2 - \varphi z^2 &= 0 \\ \text{Arc. } \operatorname{Tg} \frac{y}{x} &= k \pm \operatorname{Tg} \theta \cdot \int \frac{dz}{\varphi z} \cdot \sqrt{1 + \varphi' z^2} \end{aligned} \quad \left. \right\} \dots (9)$$

exhibere licet, generalem quæstionis de qua agitur resolutionem involvente.

Quod si v. gr. $\varphi z = \sqrt{r^2 - q^2 z^2}$, formam induet (9) sequentem

$$\begin{aligned} x^2 + y^2 + q^2 z^2 - r^2 &= 0 \\ \text{Arc. } \operatorname{Tg} \frac{y}{x} &= k \pm \operatorname{Tg} \theta \cdot \int \frac{dz \sqrt{r^2 - (1 - q^2) q^2 z^2}}{r^2 - q^2 z^2} \\ &= k \pm \operatorname{Tg} \theta \cdot \left\{ L \cdot \left(\frac{\sqrt{r^2 - q^2 z^2}}{\sqrt{r^2 - (1 - q^2) q^2 z^2} - q^2 z} \right) \right. \\ &\quad \left. - \frac{\sqrt{1 - q^2}}{q} \cdot \text{Arc. } \operatorname{Tg} \left(\frac{\sqrt{r^2 - (1 - q^2) q^2 z^2}}{q z \cdot \sqrt{1 - q^2}} \right) \right\} \\ &\quad (\text{si positiva est } 1 - q^2) \\ &= k \pm \operatorname{Tg} \theta \cdot L \cdot \sqrt{\frac{r^2 + z^2}{r^2 - z^2}} \\ &\quad (\text{si } 1 - q^2 = 0) \\ &\quad = k \end{aligned}$$

$$\begin{aligned}
 &= k \pm \operatorname{Tg} \theta \cdot \left\{ L \cdot \left(\frac{\sqrt{r^2 - q^2 z^2}}{\sqrt{r^2 + (q^2 - 1) q^2 z^2} - q^2 z} \right) \right. \\
 &\quad \left. + \frac{\sqrt{q^2 - 1}}{q} \cdot L \cdot \left(\sqrt{r^2 + (q^2 - 1) q^2 z^2} - qz \sqrt{q^2 - 1} \right) \right\} \\
 &\quad (\text{si negativa est } 1 - q^2).
 \end{aligned}$$

Quod si in casu ultimo, qui attentione omnium est dignissimus, eliminari ponimus ipsas $\frac{y}{x}$, z & q æquationum ope

$$\frac{y}{x} = \operatorname{Tg} l$$

$$\varphi/z = \frac{-q^2 z}{\sqrt{r^2 - q^2 z^2}} = -\operatorname{Tg} \lambda$$

$$q = \frac{1}{\sqrt{1 - e^2}},$$

duarum nuper allatarum posterior in

$$\begin{aligned}
 l &= k \pm \operatorname{Tg} \theta \cdot \left\{ L \cdot \operatorname{Tg} (45^\circ + \frac{1}{2} \lambda) \right. \\
 &\quad \left. + e \cdot L \cdot \sqrt{\frac{1 - e \sin \lambda}{1 + e \sin \lambda}} \right\}
 \end{aligned}$$

$$\begin{aligned}
 &= k \pm \operatorname{Tg} \theta \cdot \left\{ L \cdot \operatorname{Tg} (45^\circ + \frac{1}{2} \lambda) - e^2 \sin \lambda \right. \\
 &\quad \left. - \frac{1}{3} e^4 \sin \lambda^3 - \frac{1}{5} e^6 \sin \lambda^5 - \&c. \right\}
 \end{aligned}$$

mu-

mutabitur : unde, si μ , λ' correspondentes quidam
sint arcuum l , λ valores, fiet

$$\mu - l = \pm \operatorname{Tg} \theta \cdot \left\{ L \cdot \left(\frac{\operatorname{Tg}(45^\circ + \frac{1}{2}\lambda')}{\operatorname{Tg}(45^\circ + \frac{1}{2}\lambda)} \right) - (\sin \lambda' - \sin \lambda) \cdot e^2 - \frac{1}{3} (\sin \lambda'^3 - \sin \lambda^3) \cdot e^4 - \&c. \right\};$$

seu commodius adhuc, si ipsum l per gradus no-
nages. exprimere nec non Logarithmos adhibere vul-
gares placeat,

$$\mu - l = \pm \zeta \operatorname{Tg} \theta \cdot \left\{ n \cdot \operatorname{Log} \left(\frac{\operatorname{Tg}(45^\circ + \frac{1}{2}\lambda')}{\operatorname{Tg}(45^\circ + \frac{1}{2}\lambda)} \right) - (\sin \lambda' - \sin \lambda) \cdot e^2 - \frac{1}{3} (\sin \lambda'^3 - \sin \lambda^3) \cdot e^4 - \&c. \right\}. (10),$$

$$\text{exsistentibus } \zeta = \frac{180}{3,14159\dots}, n = L. 10 = 2,30258\dots$$

Pro Tellure quidem, ubi e^2 parva omnino est
fractio, magnitudinis scilicet $\frac{1}{152,75}$ circiter, termi-
nos seriei (10) e^4 potestatesque superiores invol-
ventes semper fere negligi posse, uno altero ve in-
stituto calculi experimento probari facile potest.